

Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipue desumpta

In Qvo Agitvr Nominatim De Sacerdotibus, Confessarijs, Magistris siue
Doctoribus, Concionatoribus, Episcopis & alijs Prælatis, eorumque
Ministerijs - In septem Tractatus distributus ...

**Puente, Luis de la
Coloniæ Agrippinæ, 1629**

§. II.

[urn:nbn:de:hbz:466:1-45750](https://nbn-resolving.de/urn:nbn:de:hbz:466:1-45750)

§. II.

EX HIS omnibus quarta deducitur Sacrae Missæ excellentia: quod scilicet sit idem Sacrificium cum eo quod Christus Dominus noster in cruce obtulit, modo tamen diuerso: ut Sacrum Tridentinum concilium afferit. Nam in cruce ipse ipsum sacrificauit, quatenus sponte ad mortem obeundam se obtulit: cuius executores fuerunt carnales; at in Missa offert sese, ad hanc passionem suam exprimendam, adhibens Sacerdotes tanquam eius executores. Sacrificium crucis fuit vniuersalis causa nostræ redēptionis propter pretium Sanguinis, qui pro omnibus fundebatur; Missa vero Sacrificium, quamvis totum illum Sanguinem contineat, offertur tamen & applicatur in particulari vnicuique: nam in reliquis sunt vnum & idem Sacrificium. Ac propterea in verbis consecrationis expressit ipse Saluator vtrumq; hunc modum dicens: *a hoc est corpus meum quod pro vobis datur; & b hic est sanguis meus, qui pro multis effundetur in remissionem peccatorum.* Nunc autem corpus hoc est ibi cum summa gloria; & sanguis in eius venis cum summo splendore. Nec parua est sacrificij nostri excellentia, quod ipsemet Christus, qui glorificatus iam sedet ad dexteram Patris, e cælo descendat, ut in Sacrificio offeratur, contenta gloriâ suâ accidentibus panis & vini: ut sic memoriam nostram renouet omnium, quæ ipse fecit & passus est, cum in hac esset mortalitate & ostendat, quanti ipse faciat opprobria, & ignominias suas; cum veniat ipsemet ad eas celebrandas & honorandas: ponens illas in Sacrificio in magni honoris signum. Quo nos obstringit ad ipsum honorandum, nobisq; glorificandum de eius ignominij, plus quam de omnibus humanis honoribus.

C O N C L V D A M V S huius Sacrificij excellentias, interrogantes ipsum Dominum tanto honore dignum: an omnino solus e cælo ad hoc Sacrificium descendat; & quid facient Angelorum Hierarchiæ videntes Regem suum descendenter ad terram, ad suum hoc Sacrificium offerendum? Satisne sibi esse existimabunt, quod sciant ipsum habere in terra ministros, qui ei assistant & iuuent: an & ipsi quoque descendant, vt socios se eis præbeant? Quando ipse in carne mortali venit in mundum, ut cruci affigeretur: descendit certè c multitudine militia celestis lustrantium, magna que cum lætitia dicentium *Gloria in altissimis Deo, & in terra pax hominibus bona voluntatis:* quid igitur nunc facient, eodem suo Rege veniente nunc gloriose in carne immortali: ut nouo quodam & stupendo modo in altari sacrificetur? Omni dubio procul (ait Sanctus Gregorius) in ipsa huius sacrificij hora, & ad verbum Sacerdotis, cœli aperiuntur, & Angeli descendunt: ut tanto huic Mysterio Iesu Christi Dei & Domini nostri assistant: conueniunt habitatores

4
Soff. 22. c 2.

*a Luc. 22.
19.
b Cor. 11. 24.
c Matt. 26.
28.
Mar. 14. 24.*

*c Luc. 2. 13.
lib. 4. Dia-
log. c. 36.*

*Lib. 3. de
Sacerdotio.*

terreni & cœlestes, utriusque Ecclesiae, visibilis & inuisibilis; militans & triumphans: ex quibus sit una congregatio laudans & glorificans Deum, dicens: gloria Deo in excelsis, unde ipse descendit, & in terra, ad quam venit, sit pax hominibus ipsum adorantibus, & bona voluntate excipientibus. Et quossum existimas Angelos è cœlo ad terram descendere: nisi ut corda illud offerentium, ei que assistentium è terra eleuent in cœlum? Et quossum ad cœlos eos ascendere existimas: nisi ut spiritus oculis videant ibi gloriam & maiestatem eius Domini, quem hic habent eculatum? cum cernis (ait S. Chrysostomus) Dominum tuum in altari sacrificatum, & Sacerdotem offerentem Sacrificium, & circumstantem particeps ipsius oblationis: existimas te inter mortales viuere, & cum eisdem in terris morari? sanè potius existimare debes, te in cœlum translatum, & carne exutum, spiritu puro contemplari, quid in cœlis geratur. O prodigium stupendum! ô benignitatem immensam! qui sedet in gloria cum patre: in eodem momento versatur inter manus hominum; seseque tribuit cuius volenti ipsum excipere. Qui sedet super Cherubin, & ambulat super pennis ventorum: venit ut sacrificetur & comedatur ab hominibus: quomodo igitur non venient etiam Cherubini & Seraphini alipsum honorandum tanquam socij hominum, adiuuantes eos ipsorum ministerio: ut illud obeant reverentia, excelsa adeò maiestate, digna.

CAPVT. IV.

STUPENDA EXCELLENTIA ET EFFICACITAS SACRIFICII Missæ ad quatuor fines, in quos diriguntur Sacrificia.

I
2 Matt. 3
17 Et c. 1. 5

RANSEAMVS NUNC AD QVATVOR ALIAS EXCELLENTIAS Missæ, ex quatuor finibus defumptas, in quos tendit, quæ est Sacrificium: quorum fecimus supradictionem. Primum enim Sacro Missæ deferimus Deo summum honorem & cultum possibilem: dum ei sacrificium tantæ dignitatis offerimus, quod infinitæ eius excellentiæ equiparatur: quod ne Ministri offerentis vilitate & indignitate imminuatur: ipse met Christus, ut diximus, est præcipuus Sacerdos: à quo etiam ipsa oblationis infinitam accipit dignitatem. Deus enim est, qui in ea Deum honorat. Deus in humanitate Deum in Diuinitate. Et quemadmodum nihil potest esse æterno Patri magis gratum, & acceptum, quam Persona unigeniti a filii sui, in quo dixit sibi complacere: ita non potest esse Sacrificium laudis & honoris excellentius & gratius ei, quam sit hoc: quod filius hic def

ipso